

453 U eew'ge arms is onder ons

Izak Louis de Villiers (geb. 1936) *Boheme (1595)*
M. Praetorius (1610)

1. U eew'-ge arms is on - der ons, o God, U is 'n wo - ning: ons
leef in U, be - weeg in U, Ver - los - ser, Va - der, Ko - ning.

8.7.8.7. *Ich dank dir schon durch deinen Sohn*

Maak groot u Naam op hierdie plek,
'n altaar tot u ere;
laat elkeen wat hier neerkniel, weet:
Ook hier spreek God die Here.

Ons hoor u woord, hoor ons gebed,
aanbiddend kom ons nader;
breek self u brood, wys op u Wet,
u Kerk is hier vergader.

Vervul ons met u Heilig Gees,
dis U wat ons gebou het;
laat hierdie plek getuie wees
dat ons op U vertrou het.

Dis alles nuut; U hoor ons lied
by arbeid se bekroning,
ons jubel in u lieflikheid,
o, God, U is ons woning.

Izak L. de Villiers (1936-2009)

Boheme (1595) / M. Praetorius (1610)